



Kom ons onthou en vier die goeie!

Lees Deuteronomium 16: 9-12 (AFR2020). *Jy moet bly wees voor die Here jou God...*

Sondag vier ons Pinkster. Ons onthou die uitstorting van die Heilige Gees, dat Jesus vir ons sy Gees gestuur het om by ons te wees. In Handeling 2 lees ons dat die Here in die vorm van 'n sterk wind en vuurtongte teenwoordig was, en sy apostels toegerus het met die gawes wat hulle nodig sou hê vir hul roeping.

Pinkster is eintlik 'n baie ou fees, ons leer dit in Deuteronomium 16 ken as die Fees van die Weke. Die Israeliete het hierdie fees gevier sewe weke nadat hulle begin het om hul graan te oes. Die Here gee vir sy mense die opdrag dat hulle fees moet vier. Dis nie een van die Here se gewone opdragte nie – gewoonlik lees ons dat ons sonde moet vermy en gehoorsaamheid moet nastreef. Nou wil die Here egter hê dat sy mense vir 'n oomblik moet stilstaan, dankbaar moet wees vir hierdie goeie oes, en dan moet hulle dit vier.

Die hele gemeenskap is by hierdie vrolikheid betrek en niemand is uitgesluit nie. Hul lewens was nie maklik nie, dit was 'n primitiewe tyd. Geweld, siekte, hongersnood, oorlog – hierdie is die dinge wat hulle goed geken het. En nou het hulle die geleentheid gehad om stil te staan en vir 'n oomblik te onthou hoe geseënd hulle was en hoe die Here nog steeds in hul lewens teenwoordig wou wees.

- *Ons land is op die randjie van die afgrond.*
- *Almal voel die ekonomiese uitdagings.*
- *Dienslewering verswak, infrastruktuur verval, korrupsie het normaal geword.*
- *Wat gaan met die verkiesing gebeur?*
- *Rassespanning, skandale, moord, aanvalle, geweld...*

Hierdie is die koerantopskrifte waarmee ons elke dag gebombardeer word. In my eie lewe loop alles ook nie net reg nie. Daar is bekommernisse en frustrasies, teleurstellings en terugslae, spanning en vrese. Hierdie dinge dreig om my te oorweldig. Ek voel soms soos daardie bakkie wat op 'n verlate plaaspad in die modder vassit. Dis 'n gesukkel! Hoe meer ek die versneller trap, hoe meer tol die wiele. Ruk en pluk ek aan die stuurwiel, swaai die bakkie maar net heen en weer. Dis dan dat 'n mens vastrapplek nodig het. Iets wat my net kan help om weer vorentoe te gaan en nie heeltemal vas te val nie.

Dit was waarskynlik een van die redes hoekom die Here sy kinders beveel het om stil te staan, die goeie oes raak te sien, vrolik te wees en die goeie te vier. Kom ons onthou dit ook as ons Sondag die Pinkster vier. Daar is nie net slegte nuus nie, daar is goeie nuus ook. Alles loop nie net altyd verkeerd nie, daar is ook dinge wat elke dag regloop. Korrupsie en verval is nie ons enigste realiteit nie, die Here se teenwoordigheid en ryk gawes is ook 'n werklikheid.

Kom ons neem 'n oomblik om saam met mekaar bly te wees oor die goeie en die Here te prys. Hy rus ons toe met krag van Bo, met sy Gees. Hy versorg ons nog elke dag en Hy loop die pad tree vir tree saam met ons. Ten spyte van al die dinge wat verkeerd loop, het ons baie om voor dankbaar te wees. Kom ons vier dit!

Ds Pieter Rossouw
Gemeentes Mafeking en Zeerust

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Lief en leed

- **Die volgende predikante verjaar tot 24 Mei, en word hartlik geluk gewens:**

- Donderdag 16 Mei: Di EM (Liza) Jansen (35) (Witbank-Suid) en AC (André) Swanepoel (45) (Derde Kruis)
- Saterdag 18 Mei: Ds MS (Marissa) Kidson (41) (Pretoria-Wes)
- Maandag 20 Mei: Dr PJ (Piet) van Zyl (67) (emeritus), di HJ (Hendrik) Odendaal (68) (emeritus) en T (Theuns) Snyman (83) (emeritus)
- Donderdag 23 Mei: Ds CJ (Carel Johann) de Bruin (53) (siekte-emeritaat)
- Vrydag 24 Mei: Dr RJ (Robert) Jones (51) (Derdepoort/Villieria)

Gemeentes en bediening

- Enige saak wat volgens die Kerkorde onder die aandag van die **Kommissie van die AKV** gebring moet word, moet mev Karen Breedt (karen@nhk.co.za) asseblief **teen Maandag 27 Mei** bereik **vir 6 en 7 Junie** se Kommissievergadering. **Geen laat sake** sal in die agenda opgeneem word nie.

- Die **Bybelgenootskap van Suid-Afrika (BSA)** is by vanjaar se **Nampo-skou in Bothaville**. Besoek gerus hul stalletjie **tussen 14 en 17 Mei 2024**. Bybels en ander items sal verkoop word of sê net hallo! Spesiale dank aan die eienaars van **Safari 4x4**, Nelus en Andrea, vir die gratis spasie wat hulle aan die BSA verskaf het!

- **Gemeente Bergsig: 70-jarige bestaansfees**

- **Vrydag 17 Mei om 17:00:** Braaivleisvure word aangesteek. Pap, sous en vure word voorsien. Bring eie eetgerei, vleis en drinkgoed.
19:00: Bingo-aand begin. Toegang gratis.
- **Saterdag 18 Mei:** Fees begin om 09:00. Verskeie stalletjies en eetgoed – ontbytburgers, pannekoek gevul met maaltvleis, kaneelsuikerpannekoek, *bunny chow* met gevulde room-hoenderlewer of maaltvleis. Aandenkings te koop. Elke uur, vir 7 ure, is daar gelukkige trekkings.
- **Sondag 19 Mei:** Erediens om 09:00, waargeneem deur ons moedergemeente se predikant, ds Stephen de Beer. Verversings ná die erediens.
- **Woensdag 22 Mei:** Die gemeente is amptelik 70 jaar oud.
- **Sondag 26 Mei:** Nagmaalerediens gelei deur ds Janine Bevol-Manders van die Algemene Kommissie. Na die erediens eet en kuier die gemeente saam.

Navrae: Sakkie Prinsloo 066 255 6612 / Kobus Venter 082 859 9808

- **Gemeente Silverton: 85-jarige bestaansfees**

Sondag 19 Mei om 09:00: Ons vier Pinkster met Nagmaal.

12:00: Ons kom bymekaar om heerlike potjiekos saam te geniet.

RSVP asseblief **voor of op 16 Mei** deur jou inligting in te vul op die Google-vorm by <https://forms.gle/YYQwMS9UiyTXTRhw5>.

NB! Die ingangsfooie is nie-bederfbare produkte vir ons gemeente se koskas vir behoeftiges. Bring asseblief eie drinkgoed en eetgerei saam. Nooi alle oudlidmate om dit saam met ons te kom vier. Hoop ons sien jou daar!

- **Werkruimte vir voltydse bediening: Gemeente Wolmaransstad.** Gemeente Wolmaransstad in die ring van Maquassi beskik oor 'n vakante werkruimte vir 'n voltydse predikant. Wolmaransstad is 'n plattelandse gemeente. Die ekonomiese ruggraat van die omgewing is landbou. Die gemeente wil graag 'n jongerige, dinamiese, standvastige predikant hê, wat sy/haar roeping as bedienaar van die Woord en as pastor voorop stel. Die gemeente beskik oor 'n ruim pastorie. Predikante wat belangstel om na die gemeente beroep te word, kan 'n verkorte CV stuur aan die skriba, diaken Strepies Rossouw, by nhkwolmaransstad@gmail.com, **voor 22 Mei 2024**. Die kerkraad is nie verplig om een van die aansoekers te beroep nie en behou die reg voor om die lys van kandidate na die sluitingsdatum te verklein of te vergroot, en mag selfs ander kandidate nader. Die datum van diensaanvaarding sal met die suksesvolle kandidaat bespreek word.

- **Werkruimte vir deelydse bediening: Gemeente Meyerton.** Aansoeke word ingewag van gelegitimeerde predikante van die NHKA of die NG Kerk om die werkruimte te vul na die siekte-emeritaat van die vorige predikant.

Gemeente: Die erediens en suiwer Woordverkondiging staan sentraal in die gemeente. Kontak met die lidmate en huisbesoek is baie belangrik. Die gemeente reik ook uit na die gemeenskap met verskillende projekte. Die gemeente is 74 jaar oud en het 135 belydende lidmate en 30 dooplidmate. Die kerkgebou is in Meyerton (op die hoek van Reitz- en Holidaystraat). Die pastorie is tans nie beskikbaar nie.

Vergoeding: Die gemeente kan die predikant vergoed met 'n totale pakket van R270 000 per jaar.

Leraarsprofiel: Die leraar moet lief wees vir die Here en sy kerk. Die Hervormde identiteit en etos is vir die gemeente belangrik.

Aansoeke sluit op 31 Mei 2024. Aansoeke moet vergeselsel wees van 'n CV en 'n kort verslag van die kandidaat se VBO-krediete. Met ontvangs van die CV sal 'n vraelys aan u gestuur word. Die vraelys moet eerlik en sorgvuldig ingevul word. Dit moet per e-pos gestuur word aan die skriba (Sollie Benson) by solliebenson0@gmail.com. Enige ander navrae kan ook aan hom by 082 686 5949 gerig word. Aansoekers moet beskikbaar wees om 'n erediens by die gemeente te kom lei. Alle aansoeke word vertroulik hanteer. Die kerkraad is nie verplig om een van die aansoekers te beroep nie.

Vergaderings

- Donderdag 16 Mei om 10:00: Komitee vir Argief, Museum en Biblioteek (in Transvaal-konferensiekamer, Voortrekkermonument)
- Donderdag 23 Mei: Pensioenvergadering
- Vrydag 24 Mei: Raad van Finansies

Ringsvergaderings 11 Mei 2024





Bronkhorstspuit



Oos-Kaap (Setlaars)

Kerklike publikasies

- Die Mei 2024-uitgawe van *Die Christelike Vrou* bring hulde aan ons ma's met **ds Hannelie Botha** se redaksioneel *Moeder*. **Elmien Botha**, Gemeente Witfontein, vertel van haar belewenis en reis as ma in *Ons hemelkind*, **Wimpie Botha**. **Ds Carel Johann de Bruin**, sekretaris van die Komitee vir die Argief, Museum en Biblioteek, doen toeligting rondom die plakkaatversameling in die *SP Engelbrecht-museum*. Ten slotte deel **Ronel Crafford**, Gemeente Worcester, hul gemeente se bouprojek met die nuwe kombuis in *Worcester se kerksaal*. Volg die skakel na ons NHSV publikasies <https://nhsv.org.za/publikasies/>.

'n Gedig

Die sagte sprong

Dit kom wanneer dit nie verwag word nie: 'n aanraking van die verstand lig soos 'n veer, vlugtig maar presies en jy dink as sy ligtheid so is, so potent dat die aandag nog lank daarna die indruk behou, hoe moet sy vasvat wees?
: Dit kom wanneer dit nie verwag word nie: iets wat die bewussyn tot in die lewe tref, iets soos 'n sagte sprong – vreugde, verbasing, vreugde, herkenning: hoe moet u vasvat wees?

Sheila Cussons

(Uit: *Die sagte sprong*, 1979)

Fondsinsamelings

- Ring van Magalies: Stap vir Bybelgenootskap (BSA)**
Saterdag 25 Mei, 08:00 registrasie, 08:30 Bybelstap begin
R20 inskrywing per stapper
Op Aros-kampus, Besembiesieweg 1037, Montanapark
Medaljes vir elke deelnemer, kosstalletjies
Munt-/nootlegging ná stap, ten bate van die BSA
Bankbesonderhede: ABSA, tjekrekening, 260 220 748
Verwysing: Stap, naam + 467 446
Navrae: David Barnard 083 441 1789
- Gemeente Lichtenburg: Oesfees**
Saterdag 25 Mei vanaf 08:30
Gratis toegang

Gaskunstenaar: Nicholis Louw

Vir kinders: Tombola, skyfskiet, springkasteel, *Laser Adventures*

Veiling met pragstukke: skilderye, mampoer, handgemaakte sweep, getekende Cheetah-rugbytrui, spesiale Oesfees-versamelaarswyn, wildsbokke, hoenders en vele meer

Tradisionele stalletjies: Pap-en-kaiings, spesiale resepe lewerkoekies – die beste in die Noordweste!

Ander stalletjies: Nagereg, pannekoek, vetkoek, *doughnuts*, worsbroodjies, sosaties, kerrie-en-rys, lekkergoed, koeldrank, koffie...

Plaasstalletjie met handwerk en plaasprodukte, *Mannetafel* met handgemaakte items

Vleistafel: Kwaliteitbeesvleis teen uiters billike pryse: wors, maalvleis, kookvleis en Russiese wors word verwerk (lekkerste Russiese wors in Suid-Afrika)

Koektafel met tuisgebakte koeke, beskuit, terte, klein koekies en vele meer

Kompetisie met pryse, kaartjies @ R20

1ste prys R20 000; 2de prys wegbreek van sewe dae in die Bosveld vir 12 mense – Mukuyu-wildsplaas naby Bela-Bela; 3de prys R5 000; 4de prys juweliersware ter waarde van R4 000; 5de prys geskenkbewys van R3 000 by Oupa's Biltong; 6de prys GROOT verrassing!

Kaartfasiliteite beskikbaar

Kontak Dave Oosthuizen by 083 311 2962

- **Gemeente Hartebeestpoort (Brits): 3de Bosveld Mtb**
3 Augustus 2024 vanaf 07:00 by Brits Vliegveld
Keuse van 4 afstande: 4 km *kiddies ride*; 36 km; 91 km; 156 km
Aanlyn inskrywings kan gedoen word
Vóór 30 Junie is die inskrywings R100 goedkoper
Tydhouders van buite af en pryse te wen
Vir navrae kontak:
Ds Corlien van der Merwe 083 654 8154
Marcel by Hartebeestpoort-kerkkantoor 012 252 4315
Michiel Ras by 072 605 1393
Mias van der Merwe by 083 320 2466
Besoek <https://bosveldmtb.nhkhartebeestpoort.org.za/> vir meer inligting en inskrywings
Kyk by "Bike Hub" of "Bosveldmtb"
- **Gemeente Parys: Jagpakket-kompetisie**
Sluitingsdatum: 24 November 2024
R300 per kaartjie
Wenner sal gekontak word binne 7 dae na die trekking
Reëlings sal getref word vir die jagseisoen 1 Mei – 31 Augustus 2025
1ste trekking: Buffel, verblyf van 2 nagte selfsorg vir 4 persone
2de en 3de trekkings: Blesbok elk
Jagvoertuig en gids; afslag van karkas
Navrae: nhkparyskerk@gmail.com / parys@nhk.co.za
Of Hannatjie Venter by 056 811 5026
- **'n Stukkie Marico Bosveldjuweel te koop**
Ten bate van NHKA Groot Marico
14,2 hektaar, spruitoewer-eiendom
Gerieflik toeganklik vanaf N4
Twee boorgate, een toegerus, sementdam
Huise bouvallig, geen ESKOM
Prys R1 550 000 onderhandelbaar
Skakel Boet Nel by 083 700 9751
- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekureiteit.
Vir navrae oor tariewe en vir besprekings, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

Bejaardesorg

- **Verpligte uitbetalings Mei 2024.** Alle takke van die NHSV word daaraan herinner dat uitbetalings in Mei gewy word aan instandhouding van geboue en ondersteuning aan bejaardes in nood. Die behoeftes vir barmhartigheid word al hoe groter en daarom is u bydraes en hulp van onskatbare waarde. Die NHSV Hoofbestuur maak staat op elke tak se oop hand en hart waar dit by hierdie uitbetalings kom. Ons wil u by voorbaat bedank vir u liefdeswerk en barmhartigheid waar dit kom by die instansies wat deel vorm van die NHSV Hoofbestuur se prioriteite.

Die volgende kan as **riglyn vir die verpligte uitbetalings vir Mei** gebruik word.

- Bejaardesorg: R1,00 per lidmaat
- Inrigtingfonds: R1,00 per lidmaat
- Administrasiefonds: R350,00
- Borgfonds OTMT: R300,00 (nie verpligtend)

Die Borgfonds is 'n fonds wat by elke tehuis gebruik word om inwoners wat nie hul eie huurgeld vir inwoning ten volle kan betaal nie of nie kinders het wat kan bydra nie, finansiële te help. Kontak gerus die hoofkantoor vir meer inligting en hulp: Rozelda Nel 012 325 0117 of admin@nhsv.org.za. Baie dankie vir elke NHSV tak se oop hart en hand!

- **Machteld Postmus-behuisingskompleks** vir bejaardes in **Brooklyn, Pretoria**, beskik oor die volgende:
 - Tweeslaapkamer-woonregeenheid beskikbaar by Frans Boshoff teen R465 400.
 - Eenslaapkamer-huureenheid beskikbaar by Huis MacIntosh teen R5 330 (krag ens uitgesluit).

Kontak mev Hannelie Fourie by 012 325 1857 x216 vir meer inligting.

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000

Kontak Salomie Stolz by 012 329 4313 of 083 308 0520 (08:00-12:00) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. Deposito van twee maande huur betaalbaar. Vir meer besonderhede, skakel Frik Rossouw by 082 830 6591.

- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deerkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Studentesake

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir Pinkster

Heilige Gees,
dankie vir u gawes van
wysheid, insig, waaksaamheid, moed,
kennis, geloof en Godvresenheid.

Dankie dat U die liefde, vreugde,
vrede, geduld, welwillendheid, deug,
sagmoedigheid, getrouheid en selfbeheersing
in my laat toeneem.

Help my om meer soos Jesus te word.
Eer aan die Vader en die Seun
en die Heilige Gees,
soos dit was aan die begin,
soos dit nou is, en soos dit altyd sal wees,
tot in alle ewigheid.
Amen.

facebook.com/bekidsmalta/photos

(Afrikaanse verwerking: Tessa Oppermann)

